

Roguljiću na poklon 1.315 dunuma državne zemlje

18/09/2009 10:54 by BanjaLukaSrcu

Nakon što je preuzeo imovinu, umjesto sportskog centra izgradio hotel i restoran, sada traži legalizaciju cijelog postupka. Pred članovima Komisije za državnu imovinu na narednoj sjednici, u srijedu, naći će se, između ostalog, i zahtjev za izuzimanje iz državne imovine 1.315 dunuma zemlje u Trnu kod Banje Luke. Za nju je još 1996. godine tadašnja Vlada RS Milorada Kličevića odlučila da je od općeg interesa za izgradnju sportsko-rekreativnog centra.

Javni interes

Tom odlukom ova imovina je predata porodici Slavka Roguljića, intimusa ratnog zločinca Radovana Karadžića, zbog čega se dugo nalazio na crnoj listi SAD te su mu odlukom visokog predstavnika zamrznuti svi bankovni računi koje nije stigao prebaciti na imena djece... No, danas iz njegove ruke jede i premijer RS Milorad Dodik, jer Roguljić u zgradi Vlade RS ima restoran i kafe-bar pod firmom "Kastanea komerc", za koju se pisalo da prkosi Vladinoj odluci o obaveznoj fiskalizaciji svih poreznih obveznika u RS.

Jednako tako prkosi i odluci Vlade RS iz 1996., kojom je gradnja sportskog centra u Trnu proglašena javnim interesom, a na tom mjestu nikli su motel i restoran "Jezero".

No, Roguljić sada u zahtjevu Komisiji za državnu imovinu navode da je "predmetno zemljište već izgrađeno" i traže "regulisanje obligacionopravnih odnosa s Vladom RS". Dakle, imovina je predata u ruke Roguljića 1996., umjesto sportskog centra izgrađeni su motel i restoran, a sada se od Komisije zahtijeva da sve to legalizira.

Hiljade takvih

Predsjednik Komisije Zvonimir Kutleća u tome ne vidi ništa nelegalno.

- Naravno da je legalno. Naše odobrenje treba im da bi imovinu uknjižili na sebe. Izgradnju tog centra Vlada RS već je ocijenila općim interesom i mi to nećemo rušiti. Ako imamo stav Ministarstva odbrane da se ne radi o perspektivnoj vojnoj imovini, nema razloga da ne udovoljimo tom i svim sličnim zahtjevima - rekao je Kutleća za "Dnevni avaz".

Da stvar bude gora, potvrdio je da je slučaj Roguljića "jedan od tisuće takvih".

- Imamo više od 300 zahtjeva za izuzimanje iz privremene odluke o zabrani raspolaganja državnom imovinom. Ne znamo koliko je među tim zahtjevima onih koji su tu samo forme radi. To je poznata praksa kod nas, da se sve okonča i tek onda traži legalizacija. Jasno je da to tako ne bi trebalo biti, ali tako se radi i šta ćemo sad - rekao je Kutleća.

Panika pred popis imovine

Zahtjevi za izuzimanje od zabrane raspolaganja imovinom tek sada, s popisom državne imovine koji provodi OHR, počinju pristizati sa svih strana. Jer, mnogi su smatrali da će im biti dovoljna rješenja entitetskih vlasti te da nikada neće morati dobiti saglasnost i državne za imovinu koju već godinama koriste i na njoj zarađuju. Ako im u međuvremenu ne pokažu za rukom da legaliziraju nerijetko na sumnjive načine dobivenu državnu imovinu, ona će

uÄŕi u bubanj za raspodjelu meÄ‘u drÅ¼avom i niÅ¼im nivoima vlasti.

[uploads/file/jezero restoran trn6\(1\).jpg](#)

Autor: S. Å KULETIÄ†

Izvor vijesti: Dnevni Avaz